



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU **HRVATSKOG PRAVAŠKOG BLOKA BiH**

Broj: 09-07-6-1151/07
Sarajevo, 3. april 2008. godine

SADRŽAJ:

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KANCELARIJSKE REVIZIJE.....	5
Predmet kancelarijske revizije.....	5
Cilj kancelarijske revizije.....	5
Obim kancelarijske revizije.....	5
4. PRETHODNE REVIZIJE.....	5
5. NALAZI I PREPORUKE.....	5
5.1. NALAZI.....	5
5.2. PREPORUKE.....	6

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjih finansijskih izvještaja Hrvatskog pravaškog bloka BiH za 2006. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

- 1. Na osnovu obavljene kancelarijske revizije godišnjeg finansijskog izvještaja utvrđeno je da je Hrvatski pravaški blok BiH prekršio odredbe člana 8. stav 1. i 11. stav 3. Zakona o finansiranju političkih stranaka.**

Na osnovu našeg pregleda, odnosno kancelarijske revizije finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjih finansijskih izvještaja Hrvatskog pravaškog bloka BiH za 2006. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05 od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatski pravaški blok BiH je iskazao ukupne prihode u iznosu od 82.495,32 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u Uk.prih. %
1	Članarina	0	0%
2	Prilozi fizičkih lica	0	0%
3	Prilozi pravnih lica	0	0%
4	Prihodi od imovine	0	0%
5	Prihodi od pr.lica	0	0%
6	Prihodi od poklona	0	0%
7	Prihodi iz budžeta	82.495	10000%
	Ostali prihodi	0	0%
	Ukupni prihodi:	82.495	10000%

U godišnjem finansijskom izvještaju Hrvatski pravaški blok BiH je iskazao ukupne rashode u iznosu od 83.899,44 KM.

2. PREDSTAVLJANJE POLITIČKE STRANKE

Naziv političke stranke: Hrvatski pravaški blok BiH. Skraćeni naziv stranke je HP BLOK BiH. Politička stranka je registrovana 13.05.2002. godine u Kantonalnom sudu u Širokom Brijegu, broj upisa R 7/02.

Sjedište političke stranke je u Ljubuškom, Stube bb.

Lice ovlašteno za zastupanje stranke: Željko Koroman, predsjednik.

Lice ovlašteno za podnošenje finansijskih izvještaja za 2006. godinu je Željko Koroman.

Prema podacima iz finansijskog izvještaja Hrvatski pravaški blok BiH nema organizacione dijelove nižeg nivoa (entitetske, kantonalne, opštinske).

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj Hrvatskog pravaškog bloka BiH za 2006. godinu.

Cilj kancelarijske revizije je da revizor na bazi finansijskog izvještaja pokuša da ustanovi da li je Hrvatskog pravaškog bloka BiH u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja Hrvatskog pravaškog bloka BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja, sa posebnim naglaskom na prihode iz budžeta.

4. PRETHODNE REVIZIJE

Izvršen je pregled godišnjeg finansijskog izvještaja Hrvatskog pravaškog bloka BiH za 2005. godinu i izdat izvještaj o pregledu sa mišljenjem revizora, nalazima i preporukama revizije da stranka treba postupati u skladu sa odredbama člana 11. stav 3. Zakona o finansiranju političkih stranaka.

Izvještaj o pregledu je stranci dostavljen nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI I PREPORUKE KANCELARIJSKE REVIZIJE

5.1. NALAZI

- a) Na osnovu obavljene kancelarijske revizije godišnjeg finansijskog izvještaja za 2006. godine, utvrđeno je da je Hrvatski pravaški blok BiH nije postupio u skladu sa odredbama člana 8. stav 1. Zakona o finansiranju političkih stranaka.¹

Prema podacima iz dodatne dokumentacije utvrđeno je da je Hrvatski pravaški blok BiH bez naknade koristio poslovne prostorije opštine Ljubuški.

- b) Na osnovu obavljene revizije godišnjeg finansijskog izvještaja utvrđeno je da je Hrvatski pravaški blok BiH prekršio odredbe člana 11. stav 3. Zakona o finansiranju političkih stranaka.²

Obrasci godišnjeg finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 61/06), jer stranka nije na obrascu 1-1 iskazala devizni račun (nije ostvaren promet putem ovog računa u toku godine) i jer je prihod od kamate po transakcijskom računu navela na obrascu prihoda iz budžeta 3.f.

5.2. PREPORUKE :

Preporučuje se Hrvatskom pravaškom bloku BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 8. stav 1., i člana 11. stav 3. Zakona o finansiranju političkih stranaka, odnosno da finansijske izvještaje popunjava u skladu sa Pravilnikom o godišnjim finansijskim izvještajima političkih stranaka.*

¹ Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

² Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH, a čiji su sadržaj i forma propisani Pravilnikom o godišnjim finansijskim izvještajima političkih stranaka. Rok za dostavljanje godišnjeg finansijskog izvještaja za 2006. godinu je prema Zakonu o finansiranju političkih stranaka bio 31.03.2007. godine.

KOMENTAR:

U ostavljenom roku, Hrvatski pravaški blok BiH se nije očitovao na Preliminarni izvještaj o pregledu godišnjih finansijskih izvještaja za 2006. godinu.

Hasida Gušić, šef Službe za reviziju

Sanja Čabrilo, revizor